

الدليل الكامل الحسابات والصلاحيات والاستخدام

كل حاجة في التطبيق: مين يقدر يعمل إيه، وإزاي، وليه. مكتوب من الكود نفسه — كل صلاحية في الورق دي مقروءة من قاعدة البيانات مش من الذاكرة.

للمالك والمدير — والاستقبال يكفيه دليل الاستقبال المنفصل.
الوقت المطلوب: نص ساعة.

المحتويات

- | | |
|--------------------------|-------------------------------|
| ١. أنواع الحسابات الخمسة | ٦. رحلة الحجز كاملة |
| ٢. مصفوفة الصلاحيات | ٧. الإعدادات — التسعة تبويبات |
| ٣. كلمة مرور المدير | ٨. لوحة المنصة |
| ٤. إزاي العزل شغال | ٩. الأوفلاين |
| ٥. الشاشات واحدة واحدة | ١٠. مشاكل شائعة |

١ أنواع الحسابات الخمسة

أربعة أدوار جوه الفندق، وواحد فوقهم كلهم للمنصة.

المالك

owner

يمشوف كل الشاشات ويعمل كل حاجة. بيتعمل مرة واحدة وقت ما الفندق يفتح، ويدخل بالبريد الإلكتروني مش باسم مستخدم.

المدير

manager

نفس صلاحيات المالك بالضبط — في التطبيق وفي قاعدة البيانات. الفرق إنه بيتعمل من الإعدادات ويدخل باسم مستخدم، ويمكن توقفه.

الاستقبال

reception

بيحجز ويسكن ويخرج ويعدل ويقبض. مبيشوفش: التقارير، سجل العمليات، الإعدادات.

النظافة

housekeeping

شاشة واحدة بس — النظافة. مبيشوفش حجز ولا نزيل ولا فلوس.

مشغل المنصة

platform admin

مش دور في الفندق — ده حساب في جدول منفصل. يفتح فنادق جديدة، ويوقف حساب أو فندق كامل، ويصفر بيانات فندق. ومبيشوفش بيانات أي فندق: لا نزيل ولا حجز ولا مبلغ — أرقام وأسماء فنادق وحسابات بس.

الدور بيتغير، مش الحساب

لو موظف انتقل من استقبال لمدير، تغير دوره من الإعدادات ← الموظفين — نفس الحساب ونفس كلمة المرور. متعملش حساب جديد.

دي مقروءة من الكود: ALLOWED في التطبيق، و is_member و can_manage و is_admin في قاعدة البيانات.

الشاشات

الشاشة	مالك	مدير	استقبال	نظافة
اليوم (رّف الغرف)	✓	✓	✓	—
التقويم	✓	✓	✓	—
حجز جديد	✓	✓	✓	—
الحجوزات	✓	✓	✓	—
النزلاء	✓	✓	✓	—
استمارة حجز	✓	✓	✓	—
النظافة	✓	✓	✓	✓
التقارير	✓	✓	—	—
سجل العمليات	✓	✓	—	—
الإعدادات	✓	✓	—	—

الإجراءات

✓ ينفع • 🔑 ينفع بكلمة مرور المدير • — مينفعش

الإجراء	مالك	مدير	استقبال	نظافة
تسجيل حجز	✓	✓	✓	—
تسكين وتسجيل خروج	✓	✓	✓	—
تعديل بيانات الحجز والنزيل	✓	✓	✓	—
تغيير التواريخ (تمديد)	✓	✓	✓	—
تغيير التواريخ (تقصير)	🔑	🔑	🔑	—
مغادرة مبكرة	🔑	🔑	🔑	—
إلغاء حجز	🔑	🔑	🔑	—
تسجيل عدم حضور	🔑	🔑	🔑	—
إلغاء غرفة من حجز	🔑	🔑	🔑	—
تسجيل دفعة	✓	✓	✓	—
إضافة سطر على الحساب	✓	✓	✓	—
إلغاء سطر من الحساب	🔑	🔑	🔑	—
خصم على غرفة	🔑	🔑	🔑	—
تغيير حالة النظافة	✓	✓	✓	✓
تغيير الأسعار	🔑	🔑	—	—
المواسم (حفظ وحذف)	🔑	🔑	—	—
الاتفاقات (خطط الأسعار)	🔑	🔑	—	—
الغرف وأنواعها	✓	✓	—	—
أصناف الإضافات	✓	✓	—	—
الشركات	✓	✓	—	—
حسابات الموظفين	✓	✓	—	—

—	—	✓	✓	بيانات الفندق
—	—	✓	✓	النسخة الاحتياطية

المالك والمدير متساويين — عن قصد

مفيش ولا إجراء واحد في التطبيق كله مسموح للمالك ومتقفول على المدير. الفرق الوحيد إن المالك بيدخل بالبريد ومبيتوقفش، والمدير بيتعمل ويتوقف من الإعدادات.

مش كلمة مرور دخول — دي قفل تاني على القرارات اللي بتغيّر فلوس.

الاستقبال بيعرف الأضرار دي ويقدر يوصلها، لكن مبيقدرش ينقّذها لوحده. القائمة كاملة — **إحدى عشر إجراء:**

الإجراء	بيغيّر إيه
إلغاء حجز	بيصفّر الحساب ويرجّع الغرف للبيع
تسجيل عدم حضور	زي الإلغاء، مع رسم اختياري
مغادرة مبكرة	بيشيل ليالي من الحساب
تقصير الإقامة	نفس الحاجة من شاشة تغيير التواريخ
إلغاء غرفة من حجز	بيشيل غرفة وليّاليها
إلغاء سطر من الحساب	بينزل الإجمالي
خصم على غرفة	بيقلل سعر الليالي
حفظ الأسعار	بيغيّر تسعير كل الحجوزات الجاية
حفظ موسم	أسعار مختلفة لفترة
حذف موسم	رجوع للأسعار العادية
حفظ خطة أسعار / شركة	بيغيّر تسعير شركة كاملة

لو مفيش كلمة مرور متسجّلة، القفل مفتوح

الإحدى عشر إجراء دول **بيعدّوا على طول** من غير سؤال لو الفندق لسه محطّش كلمة مرور مدير. الأدوار بتفضل شغالة (النظافة مش هتشوف حجز)، بس الاستقبال هيقدر يلغي ويخصم لوحده.

حطّها من أول يوم: الإعدادات ← كلمة مرور المدير.

خمس محاولات وبعدين إيقاف

كلمة المرور متخزنة مشقّرة، ومحدث يقدر يقرأها — لا من التطبيق ولا من قاعدة البيانات. وبعد خمس محاولات غلط بيتقفّل الإدخال مؤقتاً.

أهم قرار في المشروع كله، ويستاهل صفحة.

الصلاحيات **مش في المتصفح**. لو حد فتح أدوات المطور وغير أي حاجة في الصفحة، مش هيقدر يشوف ولا صف زيادة — لأن المنع في قاعدة البيانات نفسها، على مستوى الصف الواحد (Row Level Security)، على **عشرين جدول**.

الدالة	معناها	بتحكم إيه
is_member	عضو مفعل في فندق شغال	القراءة
can_manage	مالك أو مدير أو استقبال	الحجوزات، النزلاء، الدفعات، الإضافات
is_admin	مالك أو مدير	الأسعار، الغرف، الموظفين، الإعدادات

إيقاف الفندق بيقف كل حساباته فوراً

الثلاث دوال بيتأكدوا إن **الفندق نفسه شغال** مش بس الموظف. بإيقاف فندق من لوحة المنصة بيقفل كل حساباته في نفس اللحظة، من غير ما حد يلمس حساب واحد واحد.

الحجز المزدوج مستحيل — مش «صعب»

فيه قيد في بوستجريس بيمنع غرفتين محجوزتين في نفس الليلة. لو اتنين موظفين حجزوا نفس الغرفة في نفس الثانية، واحد بس هينجح والتاني هيشوف «تم حجز الغرفة منذ لحظات». مش شرط في الكود ممكن يتنسى — ده قانون في قاعدة البيانات.

الشاشة	بتعمل إيه
اليوم	رّف مفاتيح بحالة كل غرفة، وأرقام الإشغال والمغادرات والغرف المحتاجة تنظيف، وجدول وصول اليوم بزرار تسكين. ومن ورقة الغرفة: تمديد ونقل غرفة وتسجيل خروج. وبيقفل الإقامات اللي عدّى تاريخ مغادرتها، وبينّته على الحجوزات اللي وصل معادها ومحدث سجّل دخولها.
التقويم	الغرف صفوف والأيام أعمدة — ٧ أو ١٤ أو ٣٠ يوم. بيوري الفاضي والمحجوز نظرة واحدة.
حجز جديد	مرتبّ زي المكالمة: الرقم، الاسم، التواريخ، الغرف، جهة الحجز (أفراد/شركات) والخطة والشركة، الإضافات، المصدر والملاحظات. وفيه لصق رسالة واتساب، وخصم، وتحذير التكرار.
الحجوزات	بحث وفلاتر، وورقة كل حجز: التعديل، تغيير التواريخ، الدفعات، الإضافات، الخصم، بيان الحساب، رسالة التأكيد، إثبات الحجز، والإلغاء بكل أنواعه.
النزلاء	السجل الرسمي: الاسم والجنسية ورقم الإثبات وتاريخ الميلاد، وتصدير CSV، وملف كل نزيل وتاريخه. وبينّته على البيانات غير المعقولة من غير ما يمنع الحفظ.
استمارة حجز	ورقة حجز رسمية مطبوعة بلوجو الفندق واسمه بالإنجليزي — بيانات النزيل ومدة إقامته، بالعربي أو بالإنجليزي باختيار الموظف، ومن غير أي مبالغ . بتتعمل من حجز موجود (قادم أو خلص)، أو بإدخال البيانات بالإيد لما مفيش حجز. مبتكتبش أي حاجة في قاعدة البيانات — شاشة قراية وطباعة بس، فالاستقبال بيوصلها.
النظافة	زرار واحد لكل غرفة، معمولة للموبايل.
التقارير	إشغال وإيراد وADR وRevPAR ومصادر الحجز والمتبقي والإلغاءات والخصومات، وتصدير Excel. مدير ومالك بس .
سجل العمليات	كل إجراء اتعمل، ومين عمله، وإمتق — بفلاتر وبحث. مدير ومالك بس .
الإعدادات	تسع تبويبات، القسم السابع. كل تبويب بيجاوب سؤال واحد.

١ الحجز — حجز جديد. الحالة تبقى «مؤكد» والغرفة تتحجز فوراً.

٢ التأكيد للنزيل — من ورقة الحجز: رسالة واتساب أو إثبات حجز. بلغة النزيل مش لغتك.

٣ الوصول — «تسجيل الوصول» من وصول اليوم. الحالة تبقى «ساكن».

٤ أثناء الإقامة — إضافات على الحساب، دفعات، تمديد أو تقصير، نقل غرفة.

٥ الخروج — «تسجيل خروج». الحساب بيتقفل والغرفة بتتعلّم «تحتاج تنظيف».

٦ النظافة — «خلصت» فترجع الغرفة للبيع.

الحالات الستة

مبدئي (اتسجل أوفلاين ولسه ماوصلش) · مؤكد · ساكن · خرج · ملغي · لم يحضر.

كلها للمالك والمدير بس. الاستقبال مش شايف التبويب ده أصلاً.

١. الأسعار

مصفوفة وبس: السعر بيتحدد بثلاث حاجات — نوع الغرفة (التبويبات) × عدد الأفراد (الصفوف) × خطة الأسعار (الأعمدة).
وتحتها نسخ الأسعار من نوع لنوع («املا أسعار كينج من دبل زايد ٢٠٠»).

الحفظ بيطلب كلمة مرور المدير. والنسخ بيملا الخانات على الشاشة بس — مش بيحفظ لحد ما تراجع.

الخط نفسها مش هنا

الأعمدة هي الخطط، لكن إنشاءها وتعديل اللي بتشملة من تبويب الشركات والاتفاقات. الشاشة دي بتجاوب سؤال واحد: كام سعر الليلة؟

جهة الحجز: أفراد أو شركات

فوق المصفوفة زرارين — أفراد وشركات — وكل واحد بيوري خطط جهته بس. نفس السؤال بالظبط اللي شاشة الحجز بتسأله الاستقبال أول حاجة، فالشاشتين بيتقروا بنفس الترتيب.

جهة كل خطة بتتحدد في محرر الخطة (الشركات والاتفاقات). خطة الأفراد مش بتترتبط بشركة — الداتا بيز بترفض ده.

الصفوف هي عدد الأفراد — ولو حطيت نفس الرقم عليهم كلهم

لو خطة سعرها واحد على كل عدد الأفراد، تغيير عدد الأفراد في شاشة الحجز مش هيغيّر السعر، وده صح مش عطل. الشاشة بتقولها تحت المصفوفة بأسماء الخطط.

ده بيحصل لما عدد الأفراد يكون مكتوب في اسم الخطة بدل ما يكون في الصفوف. شغال، بس لو عايز عدد الأفراد يغيّر السعر فعلاً، المكان هو الصفوف.

٢. المواسم

أسعار مختلفة لفترة بتاريخ. السعر بيتحسب ليلة بليلة، إقامه بتعدي على حدود موسمين كل ليلة فيها بتتسبب بسعرها الصح.

٣. الغرف

أنواع الغرف (الاسم وعدد الأفراد — والرمز بيتعمل لوحده)، والغرف نفسها ونوع كل واحدة.

النوع الجديد يتولد من غير غرف ومن غير سعر

بعد ما تضيف نوع، لسه ناقص خطوتين: تنقل الغرف عليه من نفس الشاشة، وتسعّره من تبويب الأسعار. حجز على نوع مش متسّعّر إجماليه هيطلع صفر.

٤. الإضافات

كتالوج الأصناف (فطار، غسيل، ترانسفير) بسعر لكل واحد. الاستقبال بيختار منه فالسعر بيتملا لوحده، وبيقدر يعدّله لحالة بعينها.

٥. الشركات والاتفاقات

نصين في شاشة واحدة، لأنهم نفس الكلام: الشركة، والاتفاق اللي معاها.

فوق — الشركات: الوكالة اللي بتبعتلك نزلاء، ومعاها عدد حجوزاتها. الشركة **تتخفي مش تحذف** — الحجوزات القديمة بتفضل مربوطة باسمها.

تحت — الاتفاقات: خطة السعر بتاعتها: تربطها بالشركة (وتقدر تعمل شركة جديدة من جوه)، وتحدد إيه المشمول في السعر وإيه اللي بيتضاف فوقه (فطار مشمول، عشاء بـ٢٠٠) وأساس الحساب — لكل فرد/ليلة، لكل غرفة، مرة واحدة على الحجز...

الأسعار نفسها (الأرقام) بتتخط من تبويب الأسعار.

٦. الموظفين

إنشاء حساب (اسم، اسم مستخدم، تليفون، كلمة مرور، دور)، وتغيير الدور، وتعديل الاسم والتليفون، وتغيير كلمة المرور، وإيقاف الحساب.

اسم المستخدم مقفول عن قصد

هو نص عنوان الدخول. تغييره معناه موظف مش عارف يدخل تاني الصبح.

٧. كلمة مرور المدير

القسم الثالث. ستة خانات على الأقل، ومش أرقام متتابة ولا خانة مكررة.

٨. نسخة احتياطية

تحميل نسخة كاملة من بيانات الفندق كملف، واستردادها. **على الخطة المجانية دي النسخة الوحيدة** — مفيش نسخ تلقائي.

٩. بيانات الفندق

الاسم بالعربي والإنجليزي، الشعار، اللون، رقم الواتساب، العنوان، سياسة الإلغاء بالعربي والإنجليزي، العملة، رمز الدولة، توقيت الفندق، ومعاد الوصول ومعاد الخروج.

مواعيد الفندق، والإقامة التي بتقفل نفسها

المواعيد بتتطبع على استمارة **الحجز** التي بتتدي للنزّل. وتحتها زرار «اقفل الإقامة لوحدها بعد ما يعدّي تاريخ المغادرة» — مفتوح افتراضياً.

لما يكون مفتوح: أي إقامة عدّي تاريخ مغادرتها بتتقفل لوحدها أول ما حد يفتح شاشة اليوم. **مش في يوم المغادرة نفسه** — النزّل التي واقف بيحاسب الساعة ١٢:٠٥ لسه نزّل. وتاريخ **المغادرة المحجوز** بيفضل زي ما هو، فمفّيش مبلغ بيتغيّر.

السجل بيكتبها «**خروج تلقائي**» من غير اسم موظف — عشان ما تنسبش للي صادف إنه فتح التطبيق.

الوصول فضل بالإيد عن قصد

الحجز اللي وصل معاده ومحدث سجّل دخوله بيظهر في شاشة اليوم **كتنبيه**، والاستقبال بيقرر: تسجيل دخول ولا «لم يحضر». تسجيل دخول تلقائي كان هيحط في الغرفة نزّل يمكن مجاش، وهيلغي «لم يحضر» من غير ما حد ياخذ باله.

الثلاثة دول بيوصلوا للنزّل

رقم الواتساب — من غيره رسالة التأكيد وبيان الحساب وإثبات الحجز مالمهمش رقم يتبعوا منه.
سياسة الإلغاء الإنجليزية — النزّل الأجنبي بكل اللغات بياخذ النسخة دي.
اسم الفندق الإنجليزي — من غيره الأجنبي بيشوف الاسم العربي.

ورمز الدولة والتوقيت مش تفاصيل

رمز الدولة بيحدد إمّتي «+٢٠١...» و«١٠...» نفس الرقم — من غيره النزّل الواحد بياخذ سجلين.
التوقيت بيحدد «النهاردة» — وصول اليوم ومغادرة اليوم والتقارير كلها بتتسبب بيه.

على /admin. مالهاش لينك من أي مكان في التطبيق، وبتترفض لأي حد مش مسجل مشغل منصة.

الإجراء	التفاصيل
فتح فندق جديد	الاسم ورمز الفرع والتوقيت، وحساب المالك بالبريد وكلمة المرور. الفندق بيتولد ومعه خطة أسعار افتراضية عشان يقدر ياخذ حجز من أول يوم.
إيقاف حساب	الموظف مبيقدرش يدخل.
إيقاف فندق كامل	كل حساباته بتتقفل في نفس اللحظة.
تغيير كلمة مرور حساب	لو موظف نسيها.
تصفير بيانات فندق	تحت.

تصفير البيانات — إيه بيروح وإيه بيفضل

بيروح: الحجوزات وكل اللي عليها (الغرف المخصصة، الليالي، الدفعات، الإضافات)، النزلاء، مهام النظافة، حجوزات الصيانة، وسجل العمليات.

بيفضل: الغرف وأنواعها، الأسعار والمواسم، أصناف الإضافات، الشركات، حسابات الموظفين، كلمة مرور المدير، وبيانات الفندق.

محتاج تكتب **رمز الفرع** بإيدك، وبيتسجل في سجل العمليات كأول سطر بعده. **نزل نسخة احتياطية الأول.**

مشغل المنصة مبيشوفش بيانات فندق

اللوحة بتوري أعداد بس — كام غرفة وكام حجز وكام نزيل. ولا اسم نزيل ولا مبلغ ولا ملاحظة بتظهر فيها أبداً.

النت في دهب بيقطع. التطبيق متصمم على ده.

شغال بدون نت	محتاج نت
تشوف الغرف والحجوزات المحفوظة	تأكيد حجز جديد
تسجيل وصول وخروج	تسجيل دفعة
تعليم النظافة	الإضافات على الحساب
حجز مبدئي	التقارير

الحجز المبدئي مش حجز مؤكد

لما تسجل حجز والنت مقطوع، بيتكتب على الجهاز والغرفة مش محجوزة فعلاً لحد ما النت يرجع. التطبيق بيقول ده صراحة. أول ما الاتصال يرجع بيتبعت لوحده — ولو الغرفة اتأخذت في الوقت ده، بيتقالك إنه اترفض ومحتاج تدخل.

اللي بيحصل	السبب والحل
حجز إجماليه صفر	نوع الغرفة أو الخطة مش متسّرين. الإعدادات ← الأسعار. الحجوزات القديمة مبتسّرش بأثر رجعي — سعر الليلة بيتخزن وقت الحجز عن قصد.
«الغرفة محجوزة من...»	التواريخ الجديدة عليها حجز تاني. التطبيق بيقولك رقم الغرفة ومين حاجزها — غيرّ التواريخ أو انقل الغرفة.
موظف مش عارف يدخل	تأكد إن حسابه مفعّل (الإعدادات ← الموظفين)، وإن الفندق نفسه مش موقوف.
الاستقبال مش شايف التقارير	ده مقصود. التقارير وسجل العمليات والإعدادات للمدير والمالك بس.
الإلغاء بيعدي من غير ما يسأل كلمة مرور	مفيش كلمة مرور مدير متسجّلة. حظّها.
النزيل الواحد ليه سجلين	رمز الدولة غلط أو مش متسجّل، فالرقمين مش بيتطابقوا. الإعدادات ← بيانات الفندق.
«النزيل ده عنده حجز قائم»	تنبيه مش منع. لو ده فعلاً حجز تاني علّم وكمل؛ ولو الأول محتاج تعديل، عدّله بدل ما تعمل تاني.

موظف جديد

الإعدادات ← الموظفين ← إضافة موظف. اختار الدور صح من الأول.

موظف مشي

أوقف حسابه، متحذفوش — سجل العمليات محتاج اسمه.

سعر جديد

الإعدادات ← الأسعار. بكلمة مرور المدير.

شركة جديدة

الإعدادات ← الشركات والاتفاقات. الشركة فوق، واتفاقها تحت.

موسم

الإعدادات ← المواسم. السعر بيتحسب ليلة بليلة لوحده.

نسخة احتياطية

الإعدادات ← نسخة احتياطية ← تحميل. اعملها كل أسبوع.

مين عمل إيه؟

سجل العمليات. بحث بالزبل أو الموظف أو رقم الحجز.

كام دحلنا؟

التقارير ← حدد المدة ← تصدير Excel.

الدليل ده مبني من الكود مباشرة. أي تغيير في الصلاحيات لازم يتحدّث هنا — ورقة بصلاحيات قديمة أسوأ من مفيش ورقة.